



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Et Vindiciae B. Richezae Comitissae Palatinae Rheni Reginae Poloniarum

Gelenius, Aegidius

Coloniae Agrippinae, 1649

Caput Septimum. Coronatio B. Richezae Et acta tempore Regni.

urn:nbn:de:hbz:466:1-9541

memoria Patris, cuius etiam reuerentia filio seruabat qualemunque obedientiam. Cum vero ille rebus exemptus humanis, filium relinqueret Casimirum, cognomento Carolum, mox insurrexere Proceres, & filium, CVM TEUTONICI NOMINIS ODIO EXPVLERVNT REGNO.] Hæc Crantzius. In sequentibus etiam commemorabo, ad Teutonici nominis odium, inimicam quoque Regiæ Pellicis instigationem accessisse.

Caput Septimum.

CORONATIO B. RICHEZÆ ET acta tempore Regni.

Rex & B.
Richeza
Regina co-
ronantur
1025.

Antistites
coronatio-
ni præses.

Bellum
Russicum.
Ignauia
Miecislai.

Verum ut vnde digressus sum, eodem redeam, procurato Boleslai Regis Parentis funere, Miecislaus & B. Richeza, destinatum sibi iam ante Poloniæ regnum inierunt, frequenti Procerum, & nobilium conuentu, qui ad Regis exequias confluerant. Itaque his stipati Gnesnam veniunt, vbi anno 1025. ipsis solennibus S. Spiritus feriis seu Pentecostes, vterq. Regio diademate coronatus, ab Hippolyto Archiepiscopo Gnesnensi, adistente Gomphone Archiepiscopo Cracouiensi, Paulino Gnosnaniensi, Marcello Wladislauensi, Albino Plocensi Pontificibus, alijsq. regni Senatoribus, Inaugurationis suæ Regiæ splendorem pijs in egenos & mendicos viscerationibus decorarunt. Æstare sequenti Rex in Russos fecit expeditionem; Nam ij acceptâ Boleslai Regis morte, Ioroslao & Mescislao Ducibus rebellabant, quos primo aduentu Miecislaus repressit. Inde, visitata Polonia Bohemicum quidem bellum suscepit, at nulla cum laude, vti & alias plerasque expeditiones ignauè & infelicitè administravit. Cum enim à morte Parentis sui, Miecislaus libertatem natûs esset, in leuitatem omnemque libidinem fræna laxauit, aliarumque præter Vxorē mulierum contubernio consuevit; quarum instigatione Richezam nostrum grauiter oppressam Annales nostratûm & archiua referunt. Polonorum tamen aliqui quæ pellicibus adscribenda erant, Richezæ malè impingunt, quasi Regis torporem & desidiam non tolerauerit modo, sed & plurimum fouerit. Sed quis crederet Regem venere & concubinarum amoribus captum, sanctissimæ Vxori, quæ Filium Casimirum tam bonis artibus ac moribus instruebat, aures præbuisse? Veneri igitur indulgit maritus, at non impunè, mox enim populos

pulos à patre olim domitos sensit rebelles, suæque pristinae libertatis assertores, regni insuper Polonici vires minui indies, ac debilitari. Quin idem Miecislaus infania & phrenesi percitus anno Christi 1034 15. Martij Posnaniae, in furore ac dementiâ diem clausit extremum. Interim haud exiguas experta est ærumnas B. Richeza; quippe quæ in externâ & bellicosâ natione, longè à suis remotissima, Marito moribus dissimillimo inuisa, subditis suspecta & contempta ex continuis minusque prosperis à Marito susceptorum bellorum prælijs, quod perpetuum exilium mens præsagierat, mox ab obitu sui Mariti subsecutum perpeffa est, uti rerum Polonicarum Scriptores volunt. Quamuis vita Fundatorum Brawilerensium, ad B. Wolphelmum Abbatem scripta, memoret. B. Richezam à Miecislao viuentem, exilio immo diuortio fuisse separatam, instigante imprimis pellice. Eodem, inquit, tempore factum inter se (Richezam Reginam & Regem coniugem suum Miecislauum) diuortio per odium & instigationem cuiusdam suæ pellicis, cum ei iam peperisset Casimirum, cuius generosa posteritas diuitijs & potestate nobiliter insignis permanet vsq; hodie, veste mutat à paucis se fugam clanculo agentem, adiuuantibus, utpote fastus eius Regis intolerabiles, simul & barbaros Schlauorum peruersa ritus, venit ad Imperatorem Conradum in Saxoniam, à quo venerabiliter & ipse est suscepta. & ipse nihilominus gloriosus ipsius Xenijs magnificè honorificatus est. Accepit namq; ab ipsa duarum, ipsius, Regiq; sui coniugis coronarum insignia, comcessitq; ei eadem in suo sicut in regno proprio quo ad viueret authoritate potiri semper, eademq; gloria congrua planè sibi reddita vicissitudine, cuius totum venit ex munere, quisquid suum extra Limitem Romanum imperium eius magnificentiæ ad sese contraxerit in tempore, nam patrasa mox super Polonos expeditione triumphatoq; sub tributo Mischone cum tota Schlauorum gente, victoria trophaum, duplici quidem sub corona sortitus est Sed in hac in breue functus sicq; defunctus est. & Henrico filio eius summam rerum agere concessum est.]

Caput Octauum.

EXILIVM B. RICHEZÆ, ET VINDICTA
Dei contra exturbatores.

DEfuncto Marito (ut in hoc potius Polonos scriptores sequamur) Regina cum filio suo Casimiro vigesimum annum nato, & iam per ætatem ad regni gubernacula apto, audaci improbitate, à Primoribus quibusdam, quorum animi implacabiliter exulcerati erant, non solum regno abstinere, sed & finibus eius iussa est excedere. Disce-